



ARESOKO UDALA

31876 (Nafarroa)

ARESOKO UDALBATZAREN OHIKO BILKURA

Areson, 2017ko urtarrilaren 20an, arratsaldeko 17:00etan eta Aresoko udal aretoan, ohiko Udaleko plenoa biltzen da, aurretik Ur Alguero Chivitek Alkate Jaunak deituta, eta ondoren adierazten diren zinegotziak bertaratuak izan direlarik ohiko bilkura burutzeko.

Organua : Batzarra

Deialdia: lehenengoa

Eguna: 2017/01/20

Ordua: 17:00

Lekua: Udalaren Batzar Aretoa

BERTARATUTAKO ZINEGOTZIAK

M^a Asunción Arratibel Onsalo
Jon Gurrutxaga Etxeberria
Xabier Domingo Zubillaga Uranga
Eden Alguero Chivite
Ur Alguero Chivite
Mikel Baraibar Garmendia

BERTARATU EZ DIRENAK

Javi Belaunzaran Mariezcurrena

IDAZKARIA

Ione Miren Lazkoz Maiza

GAI ORDENA:

- 1.- Aurreko aktaren onespena.(2016/12/29)
- 2.- 2015ko Aresoko Udaleko eta Hirigintza Elkarteko kontuen onespena.
- 3.- 2017ko tasen onespena.
- 4.- 2017ko Aresoko udaleko aurrekontuaren hasierako onespena.
- 5.- Aresoko udalerako zaintza zerbitzurako behin behineko kontrataziorako oinarrien onarpena.
- 6.- Idazkaria kontratatuzeko oinarrien onespena.

7.- Alkate Ebazpenen berrespena.

8- Eskaera eta galderak.

9.- Denetarik

Esan-eginak eta erabakiak

Alkate jaunak bilera hasi eta berau publiko izendatua, arratsaldeko 17:00 direnean, Udal Idazkariak frogaturik sesioa hasia izateko, beharrezkoa den bertaratutakoen quoruma nahikoa dela, gai zerrendan jasoak dauden puntuak ezagutzeari ekiten zaio.

1.-Aurreko batzarreko aktaren onespena.

Aurreko batzarreko aktaren laburpena egiten du alkateak eta bertaratutako zinegotzi guztien adostasunez, Aresoko udal batzak ERABAKI DU:

1.1.- 2016ko abenduaren 29ko ez ohiko batzarreko akta onartzea.

2.- 2015ko Aresoko Udaleko eta Hirigintza Elkarteko kontuen onespena.

Ur Alguerok 2015ko kontuen berri ematen du eta honako laburpena egiten du:

2015 KONTUEN LABURPENA

DIRUSARRERA ARRUNTAK INGRESOS CORRIENTES	1, 2, 3, 4, 5 KAPITULUAK	340.010,20€
FUNTZIONAMENDU GASTUAK GASTOS DE FUNCIONAMIENTO	1, 2, 4 KAPITULUAK	222.297,71€
FINANTZA GASTUAK GASTOS FINANCIEROS	3 eta 9 KAPITULUAK	21.859,81€
AURREZTUTAKO BRUTOA AHORRO BRUTO	+DIRUSARRERA ARRUNTA - GASTU ARRUNTAK	117.712,49€
AURREZTUTAKO GARBIA AHORRO NETO	+DIRUSARRERA ARRUNTAK - GASTU ARRUNTAK - FINANTZA GASTUAK -	95.852,68€
INBERTSIOAK	DIRUSARRERAK: 19.602,31€	44.611,34€



	GASTUAK: 64.213,65€	
ARESOKO UDALA 31876 (Nafarroa) AURREKONTUAREN EMAITZA RESULTADO PRESUPUESTARIO	+AITORTUTAKO ESKUBIDE: 359.612,51€ - AITORTUTAKO BETEBEHARRAK: 313.554,82€	46.057,69€
ALTXORTEGI SOBERAKINA REMANENTE DE TESORERIA	+KOB RATU GABEKO ESKUBIDEAK: 72.307,71€ - ORDAINDU GABEKO BETEBEHARRAK: 181.820,65€ +ALTXORTEGIKO FONDO LIKIDOAK: 512.318,07€	402.805,13€
ZORRA DEUDA VIVA	RURAL KUTXAKO MAILEGUA: 249.789,85 € HIRIGINTZA ELKARTEKO MAILEGUA: 1.166.460,5€	1.416.250,30€

Azalpenaren ondoren, denen adostasunez, Aresoko udal batzak ERABAKI DU:

2.1.- 2015. urteko ekitaldiari dagokion Aresoko udaleko eta Hirigintza Elkarteko Kontu Orokorraren aldeko txostena ematea, hasiera batean onartzea.

2.2.- Nafarroako Toki Administrazioari buruzko 6/1990 Foru Legearen 305. artikuluan ezarritakoarekin bat eta Toki Ogasunaren gaineko Foru Legearen 242.artikuluarekin bat eginik, espedientea jendaurrean egonen da hamabortz egunean, interesdunek aztertu eta bidezko juzgatzen dituzten erreklamazioak aurkez ditzaten.

2.3.- Inork erreklamaziorik aurkezten ez badu, hasierako onespen hau behin betikoa bihurtuko da.

3.- 2017ko tasen onespena.

Alkateak 2016ko urteari dagozkion tasa eta prezio publikoen nondik norakoak azaltzen ditu. Jazko urtearekin alderatuta Kontribuzioan eman dela soilik aldatuta, hiri lurreko ondasunen gaineko kontribuzioa: %0,27 izatetik %0,29 izatera pasa dela eta landa lurreko ondasunen gaineko kontribuzioa: %0,79 izatetik %0,83 izatera pasa dela.

Eta ur hornidurari dagokionez, dauden etxebizitza eta abarrentzat 75,00 euro BEZa kanpo izatera pasako da eta gutxieneko kontsumoaren zenbatekoa 90,00 euro BEZa kanpo izatera pasako da.

Udalaren asmoa zaintza zerbitzua jartzea denez, zerbitzu honengatik ordaindu beharreko tasak zehazten dira gozatu nahi den moldearen arabera.

Behin tasa eta prezio publikoak aztertuta, zinegotzi guztien adostasunez, Aresoko udal batzak ERABAKI DU:

3.1.-Nafarroako Toki Ogasunei buruzko martxoaren 10eko 2/1995 Foru Legeak ezarritakoari jarraikiz 2017. Urteko karga tasa eta prezio publikoak onartzea.

1.-Karga-tasak, 2017. urtekoak.

1.1.-Kontribuzioa eta zergak:

Hirilurreko ondasunen gaineko kontribuzioa: %0,29.

Landalurreko ondasunen gaineko kontribuzioa: %0,83.

Jarduera ekonomikoen gaineko zerga (J.E.Z.): %1,4.

Eraikuntza, instalazio eta obren gaineko zerga: %3,5.

Hirilurren balio igoeraren gaineko zerga:

-5 urte bitarte: %2,2.

-10 urte bitarte: %2,1.

-15 urte bitarte: %2.

-20 urte bitarte: %2.

-Karga-tasa %10 izanen da.

1.2.-Tasak:

- Saneamendua:

-45 euro gehiago, hirigunean dauden etxebizitza eta/edo instalazioentzat bakarrik.

-55 euro, hirigunetik kanpo dauden enpresentzat.

- Ur hornidura:

1.-Hirigunean dauden etxebizitza eta abarrentzat: 75,00 euro BEZa kanpo.

2.-Kontagailua duten etxe eta instalazioetan, kontsumoaren arabera kobratuko da, eskala honekin bat:



ARESOKO UDALA

31876 (Nafarroa)

Kontsumitutako 100 m³ bitarte: 0,41 euro/m³.

Kontsumitutako 100m³-tik 300 m³-ra bitarte: 0,61 euro/m³.

Kontsumitutako 300m³-tik gora: 0,81 euro/m³.

Gutxieneko kontsumoaren zenbatekoa: 90,00 euro BEZa kanpo.

Hargune berria instalatzeko tasa: 150 euro, gehi KPIa.

- Haurren zaintza zerbitzua:

- ◆ Kuotak hilean:

- Ohikoak:

- ◆ Goizean: 25 euro.
- ◆ Eguerdian: 20 euro.
- ◆ Bazkaria: 15 euro.
- ◆ Zerbitzu guztiak: 50 euro.

- Ez ohikoak (eguneko):

- ◆ Goiza: 3,75 euro.
- ◆ Eguerdia: 3 euro.
- ◆ Bazkaria: 2,25 euro.
- ◆ Zerbitzu guztiak: 7,5 euro.

- Hirigintzako agiriak tramitatzea:

1.-Hirigintzako agiriak tramitatzeko prentsan argitaratu behar diren iragarkien kostua sustatzaileen kontura izanen da.

2.-Udal arkitektoaren txostena behar dutenak: 20 euro.

Konpultsak eta egiaztagiriak:

1.-Agiriak konpultsatzea, 0,50 euro.

2.-Ziurtagiriak:

2.1.-0,50 euro, 18 urtera bitartekoendako.

2.2.-Euro 1, 18 urtetik gorakoendako.

Pozoia sagu eta arratoientzat:

Etxebizitzako 2 kg baino gehiago kontsumitzen denean, 50 gramoko poltsa bakoitzeko 0,30 euro kobratuko dira.

Lehen aldiz erabiltzeko lizentziak: 150 euro.

Irekitzeko lizentzia: 150 euro.

Etxerako egurraren loteak:

1.-Mendi zaindaria egindako balorazioa izanen da haizeak botatako zuhaitzen aprobetxamendurako kanona ordaintzeko irizpidea.

2.-Egur lotea markatzearekin batean, Aresoko Udalak finkatuko du etxerako egurra aprobetxatzeagatik ordaindu beharreko kanona. Langile espezializatu batek loteak markatu, zuhaitzak bota eta motozerraz zatitzeko kostuak hartuko dira kontuan, betiere behar bezala justifikatzen badira eta zuzenean loteci egozten ahal bazaizkie.

Bideen ordenantzako zehapenen araubidea:

Ordenantza honetako arau-hausteak isunaren bidez zehatuko dira; isuna gehienez ere 150 eurokoa izanen da.

Nork bere borondatez ordaintzen ez badu, premiamendu bidez eginen da isunen diru-bilketa.

Gainera, bidea konpondu beharko da.

1.3.-Prezio publikoak:

WI-FI zerbitzuaren prezio publikoa:

1.-Aresoko Udalaren WI-FI sarean erregistratuak dauden zergadun guztiei urtean 76,65 euro kobratuko zaizkie BEZa barne zerbitzu horren aldera.

2.-Erabaki honek 2017. urteko urtarrilaren batean hartuko du indarra.



ARESOKO UDALA

31876 (Nafarroa)

4.- 2017ko Aresoko udaleko aurrekontuaren hasierako onespena.

Alkateak azaltzen du tasetan emandako igoerarekin aurrekontuko sarrerak orekatuago gertatzen direla eta denborarekin guzti hau erregularizatzeko joera hartu beharko dela udala autonomoagoa izan dadin.

Inbertsioei dagokienez baso lanez gain, banda zabala sartu nahi dela eta hau Nafarroako Inbertsio Planaren barruan barneratuta egonik 2017. urterako, aurrekontuan aurre ikusi beharra dagoela.

Hirigintza elkarteko aurrekontuei dagokienez, iazkoa bezalako izanen dela aurre ikusten dela esaten du. Argiteri publikoaren titularitate aldaketa egingen dela eta horrek zerbait gutxituko dituela gastuak, baina gainerakoan aldaketarik ez dela aurre ikusten adierazten du.

Aurrekontu espedientea aztertuta, bertaratutako guztien adostasunez, Aresoko udal batzak ERABAKI DU:

4.1.- Aurrekontu orokorra eta berau gauzatzeko oinarriak, baita Aresoko Udaleko Hirigintza Elkarteko S.A aurrekontua ere hasiera batean onestea.

4.2.- Jendaurrean egonen dira hamabortz egun baliodunean, iragarkia Nafarroako Aldizkari Ofizialean argitaratzen denetik aitzina.

4.3.- Jendaurrean egoteko aldia iraganik, aurrekontuaren aurkako erreklamaziorik aurkezten ez bada behin betikoz onetsizat hartuko da, Nafarroako Toki Ogasunei buruzko martxoaren 10eko Foru Legearen 202 artikuluan xedatutakoari jarraikiz.

5.- Aresoko udalerako zaintza zerbitzurako kontrataziorako oinarrien onarpena.

Ur Alguero Chivitek, Aresoko udaleko alkateak, haurren zaintza zerbitzurako oinarrien nondik norakoak adierazten ditu.

Nafarroako Enplegu Zerbitzuaren bitartez deialdia egingen dela azaltzen du; printzipioz kontratua behin behinekoa izanen dela, sei hilabeteetarako aurre ikusia dagoela eta lanaldi osoan.

Zaintzailearen zeregina eskolara sartu aurretik haurrak zaintzea eta ondoren eskolaz kanpoko orduetan laguntza ematea izanen da.

Oinarriak eta Aresoko beharrak aztertuta, bertaratutako guztien adostasunez, Aresoko udal batzak ERABAKI DU:

5.1- Aresoko udalerako zaintza zerbitzurako kontrataziorako oinarriak onartzea.

6.- Idazkaria kontratatzeko oinarrien onespena.

Alkate Ebazpenen berrespena.

Alkateak azken boladan emandako ebazpenen berri ematen du eta zinegotzi guztien adostasunez, Aresoko udal batzak ERABAKI DU:

4.1. -35/2016-42/2016 Alkate Ebazpenak berrestea.

5-Eskaera eta galderak.

6.- Denetarik.

Aztertu beharrekoa aztertuta, 13:45 orduak izanda, Udal bilkurari bukaera ematen zaio eta hemen nire aurrean dauden jaun-andereek, nirekin, Idazkariarekin Akta sinatu dute. Ziurtatu egiten dut.

